

ЎЗБЕКИСТОН
РЕСПУБЛИКАСИ
Хоразм вилояти
Ҳ О К И М И

РЕСПУБЛИКА
УЗБЕКИСТАН
Х О К И М А
Хорезмской области

Қ.Игамбергеновга

Мурожаатни кўриб чиқиб, кўтарилган
масалани ўрнатилган тартибда ҳал қилиб,
натижаси ҳақида муаллифга жавоб хати
тайёрлансин.



Ф.Эрманов

ФЭ-Х-1751

“ 7 ” октябрь 2021 йил



O‘ZBEKISTON RESPUBLIKASI TURIZM VA SPORT VAZIRLIGI
MINISTRY OF TOURISM AND SPORTS OF THE REPUBLIC OF UZBEKISTAN

100084, Toshkent shahri, Amir Temur shoh ko‘chasi, 107B-uy
Telefon: (71) 205-06-00, (71) 200-00-88, e-mail: info@motas.uz, motas@exat.uz

2021 - yil 5 - oktabr 04-15/8284 sonli

Xorazm viloyati hokimligi

Gurlan tumani hokimligi

Xorazm viloyati
Turizm va sport boshqarmasi


Nusxasi: Xorazm viloyati, Gurlan tumani,
Bog‘zor ko‘chasida, 15-uyda
yashovchi fuqaro X.Xudaynazarovga
(Tel., +99899-399-27-19)

O‘zbekiston Respublikasi Turizm va sport vazirligi tomonidan, fuqaro X.Xudaynazarovning Gurlan-Urganch avtomobil yo‘lining Xorazm viloyati, Gurlan tumani hududidan o‘tuvchi qismi atrofidagi bo‘sh turgan maydonda zamonaviy sanitariya-gigiyena shoxobchasi qurish uchun tegishli yer maydoni ajratilishida amaliy yordam so‘ralgan takroriy murojaati ko‘rib chiqildi (murojaat va loyiha ilova qilinadi).

Zamonaviy sanitariya-gigiyena shoxobchalarini qurish uchun vazirlik buyurtmasi asosida “Qishloqqurilishloyiha” MChJ bosh loyiha-qidiruv instituti tomonidan ishlab chiqilgan va “Shaharsozlik hujjatlari ekspertizasi” DUK tomonidan o‘rnatilgan tartibda ekspertizadan o‘tkazilgan loyihalardan (<https://uzbektourism.uz/service/projects>) foydalanish mumkinligi ma‘lum qilinadi (loyiha ilova qilinadi).

O‘zbekiston Respublikasi Prezidentining 2019-yil 5-yanvardagi “Turizm tarmog‘ini jadal rivojlantirishga oid chora-tadbirlar to‘g‘risida”gi PQ-4095-son qarori 9-bandiga muvofiq, **tadbirkorlik subyektlariga namunaviy, shu jumladan tarmoqli loyihalar asosida zamonaviy sanitariya-gigiyena shoxobchalarini qurish uchun 80 - 100 kvadrat metr o‘lchamda yer maydonlarini elektron auksionga qo‘ymasdan olish uchun Turizm va sport vazirligining iltimosnomasiga ko‘ra ustuvorlik huquqi taqdim etilishi belgilangan.**

O‘zbekiston Respublikasi Prezidentining 2019-yil 13-avgustdagi “O‘zbekiston Respublikasida turizm sohasini yanada rivojlantirish chora-tadbirlari to‘g‘risida”gi PF-5781-son Farmon 15-bandiga asosan, **Turizm va sport vazirligining iltimosnomasi kelib tushgan kundan boshlab 5 ish kuni ichida tadbirkorlik subyektlariga zamonaviy sanitariya-gigiyena shoxobchalarini qurish uchun 80-100 kvadrat metr o‘lchamda yer maydonlarini elektron auksionga qo‘ymasdan ajratilishi yuzasidan shaxsiy javobgarligi belgilangan.**



Shu bilan birgalikda, O'zbekiston Respublikasi Bosh vaziri boshchiligida 2021-yil 7-yanvar kuni o'tkazilgan O'zbekiston Respublikasi Vazirlar Mahkamasi Sport va turizmni rivojlantirish masalalari kotibiyati hamda IT-texnologiyalar, telekommunikatsiyalar va innovatsion faoliyatni rivojlantirish masalalari departamentiga birlashtirilgan vazirlik va idoralarning 2020-yildagi faoliyati hamda 2021-yilda amalga oshirilishi rejalashtirilgan vazifalari to'g'risidagi muhokama majlisi 1-son bayoni (№01-08/1-2840, 18.01.2021y.) 12-bandiga muvofiq, **Qoraqalpog'iston Respublikasi Vazirlar Kengashi, viloyatlar va Toshkent shahar hokimliklariga 2021-yil yakuniga qadar** har bir hududdagi turistlar tashrif buyuradigan obyektlar, turistik marshrutlar, avtomobil yo'llari bo'ylari va aholi gavjum joylarda **kamida 100 tadan** zamonaviy sanitariya-gigiyena shoxobchalarini yangidan qurilishi va mavjudlarini hozirgi zamon talablari asosida qayta ta'mirlanishi bo'yicha tizimli ishlarni tashkillashtirish vazifasi yuklatilgan.

Yuqoridagilardan kelib chiqqan holda, Gurlan-Urganch avtomobil yo'lining Xorazm viloyati, Gurlan tumani hududidan o'tuvchi qismi atrofidagi bo'sh turgan maydonni amaldagi qonunchilikda belgilangan tartibda zamonaviy sanitariya gigiyena shoxobchasini qurish uchun fuqaro X.Xudaynazarovga rasmiylashtirilishida amaliy yordam ko'rsatish so'raladi.

Ilova: 2 varaqda.

Vazir o'rinbosari



A. Karimov

Тошкент шаҳри Олмазор кўчаси 171 – уй
Ўзбекистон Республикаси туризмни
ривожлантириш давлат қўмитаси раиси
А.А.Абдуҳакимовга
Хоразм вилояти Гурлан тумани Богзор
кўчаси 15 уйда яшовчи Ибадуллаев
Худайназар Тулибаевич томонидан.
Тел: +99-899-399-27-19

А Р И З А

Барчамизга маълумки бугунги кунда Мухтарам Президентимиз томонидан ташриф буюраётган сайёҳларга замон талабларига жавоб берадиган хизмат турларини ва сифатини жорий этиш борасида қўллаб-қўллаб Фармон ва қарорлар қабул қилинмоқда.

Хусусан, Ўзбекистон Республикаси Президентининг 2019 йил 05 январдаги ПҚ – 4095 - сон қарори билан тадбиркорлик субъектларига замонавий санитар – гигиеник шаҳобчаларини қуриш билан 80 – 100 квадрат метр ўлчамда ер майдонлари электрон аукционга қўймасдан олиш учун Туризмни ривожлантириш давлат қўмитасининг илтимосномасига кўра устуворлик ҳуқуқи тақдим этилиши белгиланган.

Гурлан – Урганч – автомобиль йўлининг Гурлан тумани ҳудудидан ўтувчи йўл бўйидан замонавий санитария – гигиена шаҳобчалари қурилиши ташриф буюрчи сайёҳларга қулай шарт – шароитлар яратиб беришдан ташқари уларнинг туризм инфратузилмасига ҳам яхши баҳо бериб кетишларига сабабчи бўлади.

Ушбу лойиҳамни амалга оширишимизга сабаб Ҳурматли Президентимизнинг туризмни қўллаб – қувватлаётганлиги ва ўз навбатида барча шароитларни яратаётганлигидир. Менинг ўзим ҳам шу туризм соҳасига катта ҳиссамни қўшиш мақсадида мамлакатимизга ташриф буюраётган сайёҳларга қулай шароит яратиб бериш билан биргаликда янгидан ҳар битта объектимизда 3 тадан иш ўринлари яратаман.

Юқоридаги қарорнинг мазмун моҳиятидан келиб чиқиб автомагистрал йўлининг Гурлан – Урганч автомобил йўлининг Гурлан тумани ҳудудидан ўтувчи қисмидаги бўш турган майдонлардан замонавий санитария – гигиена шаҳобчалари қуриш учун тегишли ер майдонлари ажратилишида амалий ёрдам беришингизни сўрайман.

Ушбу санитария – гигиена шаҳобчаларида аёллар ва эркеклар хонаси, ногиронлар учун алоҳида хона, она ва бола хонаси, хожатхона, таҳоратхона, ювиниш хонаси ва бошқа қулайликларни намунавий лойиҳалар асосида яратаман.

Ҳурмат билан Хоразм вилояти Гурлан тумани
Богзор кўчаси 15 уйда яшовчи фуқаро Ибадуллаев Худайназар.

21 сентябрь 2021 йил.

A black and white photograph of a small, single-story building with a gabled roof, possibly a garage or shed. The building features a large double door with two small windows. It is surrounded by trees and foliage.

